



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Սույն թվականի հոկտեմբերի 15-ը և 16-ը, շաբաթ և կիրակի օրերը, հոգևոր ուրախության և մխիթարության օրեր եղան Մայր Աթոռ Ս. Էջմիածնի համար: Այդ օրերին քահանայական կոչում և ձեռնադրություն ստացան հոգևոր ձեռնարանի երեք շնորհալի ջրջանավարտներ՝ Խաչիկ սրկ. Խարապյանը, Սմբատ սրկ. Արիստակեսյանը և Վարդան սրկ. Բաղդասարյանը՝ ձեռամբ Մայր Աթոռի դիվանապետ Տ. Ներսես եպս. Պոպապայանի:

ԿՈՉՈՒՄ ՆՈՐԸՆԾԱՆԵՐԻ

Շաբաթ օրը, երեկոյան, կիրակամտի ժամերգության ավարտին, կատարվում է երեք սարկավազների «Կոչումն քահանայության» արարողությունը՝ ըստ Ձեռնադրության Մաշտոցի:

Հնչում է «Նայեաց ի մեզ» շարականը: Հանդիսավորությամբ դեպի Իջման Ս. Սեդան են առաջնորդվում ձեռնադրող եպիսկոպոս Տ. Ներսես Պոպապայանը և երեք սարկավազները:

Խարտավիլակ Տ. Գրիգորիս վրդ. Բունիաթյանը, ստանալով խոսելու իրավունք, ըստ Ձեռնադրության Մաշտոցի, բարձր ձայնով ասում է.

«Հայր սուրբ, խնդրե՛ ի քէն մայրս մեր սուրբ Եկեղեցի, քի ձեռնադրեսցես **վիսաչիկ**,

վՍմբատ և վՎարդան սարկաւազոնսս, քոր ընծայէ քեզ, յաստիճան քահանայութեան, որք կամօք և յօժարութեամբ իւրեանց եկեալ են յայս կարգ, և ոչ ի հանրէ հրաւիրողաց»:

Այնուհետև տեղի է ունենում երիտասարդ սարկավազների հոգևոր-իմացական պատրաստության հրապարակային քննությունը. «Պահեա՛լ է վանձն իր սուրբ և անարատ... ունի՛՜ր Կուսումն քահանայութեան լրի և ւգիտութիւն աստուածային օրինաց»: Երեք սարկավազները միաբերան հայտարարում են. «Ունիմք քղաւանութիւն ուղղափառ հաւատոյ... ընդ սուրբ Հայրապետսն...» և խոստանում են աջակերտել և հետևել Եկեղեցու ուղղափառ Հայրապետներին ու աստվածաբան վարդապետներին:

Կոչման արարողության ավարտին սարկավազները հրապարակորեն արտասանում են Հայաստանյայց Եկեղեցու «Հաւատոյ խոստովանութիւնը»՝ ըստ Ձեռնադրության Մաշտոցի, որը սահմանել է Ս. Գրիգոր Տաթևացին: Իսկ մի օր առաջ նրանք պաշտոնապես ստորագրել էին կուսակրոն քահանայության հետևյալ ուխտագիրը.

«Ներքո ստորագրելուս՝ Աստուծո ողորմությամբ, իմ ապատ կամքով և հաստատ համոզմամբ հանձն եմ առնում ընդունել կուսակրոն քահանայության **կարգը**:



Մի պահ ձեռնադրության արարողությունից

Փրկչի Իջման Սուրբ Սեղանի առաջ, խոստանում եմ և ուխտ եմ անում՝

ա.— Հավատով և նվիրումով ծառայել Հայաստանյայց Առաքելական Սուրբ Եկեղեցուն, Մայր Աթոռ Սուրբ Էջմիածնին և հայ ժողովրդին:

բ.— Մայր Աթոռ Սուրբ Էջմիածնի միաբան մնալ մինչև իմ կյանքի վախճանը, սրբությանը պահպանելով ժուժկալության, աղքատության և անպայմանավոր հնազանդության հայրապետահաստատ կանոնները:

գ.— Այրել առաքինի կյանքով ու պարկեշտ վարքով, անձանձրույթ կատարել եկեղեցական պաշտամունքները և տնապես հետամուտ լինել իմ ինքնավարագույն՝ հոգևոր, գիտական և գրական իմաստով:

դ.— Համաձայն Հայոց Հայրապետի հրամանների, ինձ վստահված պաշտոնները և աշխատանքները կատարել սիրով, եռանդով ու բարեխղճությամբ:

Որպես երաշխավորություն իմ այս խոստումների, ստորագրում եմ սույն ուխտագիրը:

ՉԵՌՆԱԴՐՈՒԹՅԱՆ ԵՎ ՕԾՄԱՆ ԿԱՐԳԸ

Կիրակի օրը, առավոտյան ժամը 11-ին, Մայր տաճարում սկսվում է ս. պատարագը: Օրվա պատարագիցն է Ս. Ներսես եպս. Պոպապայանը:

Ս. պատարագը շարունակվում է մինչև «Զի ողորմած և մարդասեր ես Աստուած» աղոթքը: Սարկավագները խարտավիլակ Ս. Գրիգորիս վրդ. Բունիայանի առաջնորդությամբ Սեղանի ձախակողմյան աստիճաններով ծնրադիր բարձրանում են Ավագ Սեղանի բեմ և, դառնալով դեպի ժողովուրդը, ձեռամբարձ հրաժարվում աշխարհից՝ կոչվելու համար «... ի սարկառագույթներ է քահանայություն, սրբոյ Եկեղեցոյ ի սպասաորություն» ըստ վկայության անձանց իրենանց և ամենայն ժողովուրդեան»:

Մայր տաճարի խնկաբույր կամարների տակ հանդիսավորությամբ հնչում է «Աստվածային և երկնաւոր շնորհ» շարականը: Բոլորի ուշադրությունը սևեռվել է սարկավագների վրա, որոնք կամովին և գիտակից նվիրումով պատրաստ են իրենց ողջ կյանքը կապելու Մայր Աթոռին և անձնվեր ծառայելու Հայ Առաքելական Սուրբ Եկեղեցուն և հայ ժողովրդին: Ահա թե ինչու ժողովրդի խոռոչներում բազմությունն էլ, հոգեպես միաձուլվելով արարողությանը, համոզվումով և գոհունակությամբ վկայում է. «Արժանի են»:

Ապա նրանք ծնրադիր մոտենում են և բոլորվում ձեռնադրից սրբազան հոր աթոռի շուրջ: Սրբազանն իր ձեռքերը դնում է նրանց գլխին՝ արտասանելով. «Ես դնեմ զձե-

ռըս ի վերայ սորա, և դուք ամենեքեան աղօթս արարեք, զի արժանի լիցի սա պատիճան քահանայության անարատ պահել առաջի սեղանոյ Տեառն Աստուծոյ» աղոթքը:

Օրհնությամբ և աղոթքով նորընծաներին շնորհվում են քահանայական փիլոն, սաղավարտ, փորուրար, շուրջառ: Հնչում է զգեստավորման «խորհուրդ խորին» շարականը: Մի պահ փակվում է խորանի վարագույրը և քիչ հետո նորից բացվում: Բոլորի հայացքները դարձյալ սևեռվում են խորանի, աշակողմյան մասում կանգնած ձեռնադրալներին, որոնք իրենց ձոխ և վառվորն զգեստների մեջ թաքցրած մարդկային տկարություններով ծանրաբեռն իրենց մարմինները՝ ձեռնամած աղոթում են: Այդ զգեստները խորհրդանշում են մարդկային առաքինությունները: Մեր մատենագիրներից Հովհաննես վրդ. Արճիշեցին իր պատարագի մեկնության մեջ գրում է, որ քահանան ինչպես մարմինն է վարդարում այդքան գեղեցիկ զգեստներով, այդպես էլ պետք է հոգին պարզարի երկնային շնորհներով ու առաքինությամբ:

Ս. պատարագը շարունակվում է մինչև «Ողջոյն տուք միմեանց» քարոյը:

Ձեռնադրության հանդիսավոր արարողությունը հասնում է իր հոգևոր վերացման սրբազան բարձունքին: Օծման խորհրդավոր պահն է: Ձեռնադրող սրբազանը ս. մեռնում օծում է քահանայական լրիվ զգեստավորման մեջ կանգնած երեք նորընծաների ձախատն ու ձեռքերը և նրանց վերանվանում հոգևոր նոր անուններով: Խաչիկ սրկ. Խարապյանը վերանվանվում է Ս. Թորգոմ քահանա, Սըմբատ սրկ. Աշխատակեսյանը՝ Ս. Ասողիկ քահանա, իսկ Վարդան սրկ. Բաղդասարյանը՝ Ս. Շնորհք քահանա:

Այնուհետև նորընծաները դառնալով դեպի ժողովուրդը՝ տալիս են իրենց անդրանիկ քահանայական օրհնությունը՝ «Խաղաղություն ամենեցուն»:

Ս. Ներսես եպս. Պոպապայանը ձեռնադրության և օծման սույն արարողությունից հետո խոսում է ոգեշունչ մի քարոյ, շնորհավորում՝ նորընծա քահանաներին, հույս հայտնում, որ նրանք իրենց ապագա եկեղեցանվեր գործունեությամբ միշտ բարձր կպահեն հոգևորականի նվիրական կոչումը:

ՎԵՐԱՐԻ ՏՎՉՈՒԹՅՈՒՆ

Նույն օրը, երեկոյան ժամերգությունից հետո, կատարվում են «Օրհնություն աբեղայի» և «Օրհնություն վեղարի» կարգերը:

Աստվածաշնչական համապատասխան ընթերցումներից, շարականներից ու աղոթքներից

րից հետո Տ. Ներսես եպս. Պոպապալանը
նախում է Տ. Թորգոմ, Տ. Ասողիկ և Տ. Շնորհք
քահանաների գլուխներից սարկավագական
ջբրունը (գդակ) և այն փոխարինում կուսա-
կրոն քահանայության խորհրդանիշ վեղա-
րով. «Հանցե Աստուած զհին մարդն գոր-
ծովք իւրովք: Աստուած զգեցուցե քեզ զնոր
մարդն՝ որ ըստ Աստուծոյ հաստատեալ է
արդարութեամբ և սրբութեամբ...»:

«Պահպանիչ»-ով ավարտվում է վեղարի
տվության սույն կարգը, որից հետո նորըն-
ծա Տ. Թորգոմ, Տ. Ասողիկ և Տ. Շնորհք
աբեղաները Մայր տաճարի լուսարարապետ
Տ. Հուսիկ արքեպ. Սանթուրյանի և ձեռնա-
դրող եպիսկոպոս Տ. Ներսես Պոպապալանի
առաջնորդությամբ Վեհարանում ներկայա-
նում են Վեհափառ Հայրապետին:

Նորին Սրբությունը հուպումով և հայրավան
սիրով է ընդունում իր հոգևոր զավակներին

և նրանց բաշխում իր սրբական օրհնությունն
ու հայրական բարեմաղթությունները՝ հույս
հայտնելով, որ նորընծա աբեղաները կլինեն
Հայ Եկեղեցու արժանի սպասավորներ, «մը-
շակք առանց ամօթոյ»:

Նորընծա աբեղաները իրենց կանոնական-
ավանդական քառասունքը կանցկացնեն
Մայր Աթոռի վանական խաղաղ մթնոլորտում՝
հոգևոր ղեկավարության ներքո Տ. Եղիշե
քին. Բաղրամյանի:

*
* *

«Էջմիածին» ամսագրի խմբագրությունը
ջերմորեն շնորհավորում է երեք նորընծա
աբեղաներին՝ ցանականալով նրանց հաջո-
ղություններ իրենց ապագա հոգևոր ծառա-
յության պատասխանատու ասպարեկում:

